

F A G O N

REGI A SANCTIORIBUS CONSILIIIS, ET ARCHIATRORUM COMITI.

RESTITUTUS per te antiquo splendori suo saluberrimus Ordo Medicorum, Archiattrorum Princeps clarissime, jampridem grati animi erga te sui sensum tibi significare palam, & aliquo illustri monumento veluti consecrare gestiebat. Ex quo ad istam dignitatis gradum ascendisti, quò te non amittito nec augende rei cupiditas exivit, sed nota Principi fides, probitas, & in arte medendi singularis peritia; ex illo non desisti novis in dies nos cumulare beneficiis. Nec illa importunis sollicitudinum efflogitationibus à te quasi per vim extorta sunt. Tuo in nos amore impulsus & naturali propensione beneficiendi, præcurristi preces nostras, atque etiam vota superasti. Totà mentis attentione arrectus & invigilans tuenda illi valetudini, unde pendet Regni tranquillitas, populorum salus, Regie majestatis honos, ipsius etiam quodammodo Religionis incolumitas, convertis nonnquam oculos ex medià Aula ad nostram Medicinæ Scholam, tæc incunabula gloriæ, & primam quasi Theatrum, ubi se quondam tantà cum laude exercuit tua ingenii vis, & in omni genere præclara quodvis. Putas hunc esse fructum novæ dignitatis tuæ jucundissimam, ut publice utilitati consulendo, nobis etiam prodesset possis; neque enim tam impense faveres Ordini nostro, nisi id in publicum bonum cederet. Non times, ut fere sit, ne fortune tuæ detraxatur, quod nostræ adjuveris, & in nos per te derivata Regis benignitas, in te ipsam minus abundè fluat. Nul- lam autem à nobis tanti beneficii mercedem aliam exis, quam ut novà inter nos laboris emulatione Schola nostra fiat in dies illustrior. En prout in lucem tua auspicijs ejusmodi vir, qui & opinioni de nobis tuæ & publicæ expectationi respondet. Tuis ille preceptis & magistrà manu formatus ad eam partem Medicinæ, quæ potestates herbarum docet, jampridem implevit Europam famà sui nominis, dignus tali Magistro discipulus. A nobis idem usum medendi edoctus, Scholas quoque nostras, ut speramus, non mediocriter illustrabit. Certe habebis hunc & testem privati laboris nostri ad fingendos, quales postulas, illustres Medicos; & obidem nostræ omnium, quotquot sumus, erga te singularis observantiæ & venerationis.

FACULTAS MEDICA PARIENSIS.

QUÆSTIO MEDICA.

Quodlibetariis disputationibus, manè discutienda in Scholis Medicorum, die Martis vigesimâ-nonâ Novembris.

M. ANDREA ENGUEHARD, Doctore Medico, Professore Regio, Præside.

An ab exlege sanguinis circuitu, morbi?

VITALEM esse fundum in sanguinis circuitu vox est naturæ, nunc omnium medicorum mirum, quòd ipsam non auscultant veteres tot præjudiciis provocati. Quàm antiqua partium consensio, tam nota liquoris ex aliis in alias decurrant motio: qui multum sudant, parum mingunt; qui multum mingunt parum deiciunt. Ut à parte in partem itio feri hæcenus cognita, sic sanguinis qui vel erumpit per nares intercepti uteri viis, vel in reliquis partes incurrit. Nec minor est à summis ad ima commectus humorum; ii è capite fluunt in nares, oculos, aures, gulam, fauces, spinalem medullam, & sanguinem; unde si nares intumuerint & repleantur muco, is non est avertendus, ne aliò feratur magis nocivus. Desultoria tot fluxionum indoles visà est, creditur proinde mobilis quoquoeversum sanguis, à quo secretionis sunt. Morborum quoque judicationes, sive foris intro, sive intro foras contingant, mutuum vasorum externorum cum internis, internorum cum externis commercium demonstrant. Quin & spirituum, sanguinisque ductus inter se communicant: sic febribus accidit tremor qui delirio solvitur: pariter convulsio quæ diarrhæa, perirrhæa, menstruorum fluxu definit. Omnia igitur esse in corpore consentientia, conspirationem unam, confluxum unum; par vasorum duplex in digitos vergentium ab alis, in alas à digitis; faciendas juxta hanc seriem incisiones vasorum præca notavit ætas: hæc & suis & alienis experimentis erudita sanguinis circuitum, prosperæ cum æquus est, adversæ cum exlex, valetudinis autorem ostendit.

SANGUIS pretiosus est latex, mixtis æqualiter partibus constans cruore & sero, leni tepore persusus, diditu facilis, corporis orans universum, nec aliter ac fluvius moletrinum ad agendum impellens. Eo movente vivit homo, non movente moritur. Sæpe tamen sanguini sunt motus leges, quas ultra citràque vitæ munus officit. Certus esse debet liquoris commentus molis cum alveo quem decurrit, virtutis cum corpore quod ciet. Machina in hydraulicis expeditè moventur aquarum modo, deminutionibus torpent, auditibus obmuntur: pariter pars quæque corporis vires modico horridi sanguinis rivo, sub incremento gemit, aret decremento. An igitur sit æquum vas & partibus circumacti sanguinis libramen, an iniquum, non parvi refert; nec minoris quoque, an sinceris sit, lutosive sanguis, tot foret recementis quot incerniculis niter: hæc desunt officio, illa superfluo nocumento, sanguinem conspurcant, circuitui vel addunt stimulos præ tenuitate, vel frenos injiciunt præ lentore. Ut incitatur tardaturve sanguinis motus peregrinis succis, sic sistitur obicibus objectis, seu intus nati hæreant vasis, seu adveniant extrinsecus illari. Iis retorquetur sanguis in vicinas diffusivæ partes, vel inibi moratur, aquæ desidis instar vitium capit, conglaciatur, putredinem, spæcillum, ac mortem accipit. Itaque pauciores ne credas ægrotationis quam violati circuitus sanguinis modos, qui ut partium quas afficiunt, diversitate diffimiles inter se singuli, sic causarum à quibus procedunt; convenienti similes sæpenumero universi reperiuntur.

CORPUS humanum sanguine intus agitante tot functionibus negotiosum est, quot partibus solidis instructum. Quod in his vitium, morbus: quod in illis, symptoma: quod in sanguine, causa morbi nuncupatur. Ut ærescit planta succi defectu, fruticat immodicè, sudat luxurià, sic sanguinis penurià malefcit corpus, fit habitus exuperantiæ, nec citra discrimen athleticum & varias ejus exundationes intus & extus experitur. Morborum penè omnium sementem facit sanguis ubi fluit lulentus; partibus aquè nocet, crudis aut adustis ferus purgamentis: frigidos pigrior, calidos citior affatus parit. Nil cernere est in corpore tam stupendum, topicos, calculos, verminosum genus, miliiformes, friabiles, arenosos, pingues, aliove sudores, quod non ferat sanguis inquinatus. Similis canoso flumini obices sibi ipse objicit, à suo cessat aut deflectit cursu, & partes fluxionibus tentat; prohibitus ne solemnes relegat vias ob incidentes, comprimentes, supantes, contundentesve causas, tumores facit. Tepens sanguinis æqualiter labentis aura seu inquinate spatii, seu pabuli vitio, seu spiramenti obstrukione, feni madentes instar incalescit, ossulam sibi caliginem tenuat in vapores & fumos quos circumfert secum haud innocenter; ignescit demùm & febrem gignit, calorem præter naturam dicas aut fermentationem; perinde est. Febris totius semper nascitur corporis pœna, rarò meri sanguinis, vulgò partis alicujus scelus. Synochus rarissima, frequens continua aut intermittens; universam utraq; intemperiem accersit private affectam. Utraque crisi finitur vix usquam securà, ni alvi defectione contingat.

MORBUS non unius quam tenet partis offensâ circumscribitur, longè latèque sevit symptomatum ut tyrannus satellitum catervâ septus, & miras corpori mutationes affert. Nunc suam exiit formam & induit novam veluti redivivus, sic fluor albus in colicum dolorem, nephritidem, aut arthritidem, furor in dysenteriam, dysenteriam in stranguriam, fistulam aut abscessum, pleuritidis in peripneumoniam abit; Dealcis uxoris fletus definebat in risum, garritus in silentium. Nunc superstes manet, alium tamen accersit affectum quasi facundus, sic morbus lateralis alvi profluvium, epilepsiam melancholia, bubo febrem, febris convulsionem producit, aut fitim immodicam; Philiscus tertîa die stibundus evasit. Nunc ferreque refertque pedem repertens locum ex quo cecidit, sic erysipelas & pustulæ ex imo ad cutem enata recurrunt, sic morbus articularis in intestini dolorem, hic in illum vicissim vertitur; Larissæ Calvus doluit femore, quo quiesce deliravit. Quin & alter alteri succedit solatio, sic ophthalmiæ aut furditati alvi profluvium, contumaci alvi profluvio spontanea vomitio, atrabilaris, aut phreneticis hæmorrhoides, splenis dysenteria. Quorum mutata affectuum vices: Sanguis per cuncta meabilis suas in morbis volvit quoquoeversum fordes, singulis æquè partibus infusus, hanc illamve lædit interruptis angusto transitu viis, expeditis læsam relinquere pernix, mox alibi nocivus. His symptomatum conversionibus victa se prodit, victrixve natura, prout servantur aut violantur circuitus leges; hoc sanguis non secus ac æstu mare suas desumat feces, abigit in oras corporis ac excludit, aut reborbet easdem, ac in penetrabilia transmittit. Sic indocta præstat natura quod opus est, & morborum dicitur medicatrix: aut solito impar muneri deest & symptomatum tyrannidi succumbit.

QUISQUIS igitur aptè mederi cupit penitus inspicat in corporis moletrinum: hanc commetiatur cum sanguine movente, functionum integritas juxta sit utriusque ad se invicem proportionis mensura. Hanc excedit habitus corpulentior, ad opus pigrior, vasis tumens, statim ideo vacatione solvendus: deficit ab eâ maclentior in dies, languidior in penso, vasis flaccidior, propterea pabulatione reficiendus. Nec minus distat ab æquilibrio corpus excrementis grave, illis quantum spatio demitur sanguini, tantum additur vel impetis quò ruat in partes, vel impedimenti ne radier in ipsas, & vitalem auram diffundat. Impurum corpus eundem ac succulentius, aut exhaustum mentitur debilitatis sensum, eandem curationem non exposcit: ut luxurianti sanguini medetur venæ sectio, sic impuritati purgatio; ex qualibet sede vitiosus exigit humores, quos in primâ stagnantes non rarò feliciter educit, vel auctorum initio, turgentibus infringit, in partem aliquam illabentes revellit: nempe non ex rivulis, sed ex fonte ipso exhaurienda mali scaturigo, cui nisi sit ante prospectum, vix cæteris dein arte succurri potest. Quamobrem cum mutuo partium & sanguinis concentu foveat corporis status, ubi turbatur, explorandum est ad ejus instaurationem, unde natus sit dissensus. Ex viciis sanguinis morbi, ex morbis ducuntur remedia, nusquam magis accommodata quàm cum transversos corrigunt circumducti sanguinis motus.

Ergo ab exlege sanguinis circuitu, morbi.

DOMINI DOCTORES DISPUTATURI.

M. Nicolaus Bailly. M. Joannes Daval. M. Claudius Niquiebes. M. Berrinus Simon Dieuxevoye. M. Joannes Bendin. M. Guido Disputus Emmerex. M. Claudius Guerin, rei herbariæ Professor. M. Carolus le Long. M. Ludovicus Morin.

Proponebat Parisiis JOSEPHUS PITTON TOURNEFORT, Aquilexensis à Galloprovincia, Baccalaureus Medicus. A. R. S. H. 1695.